

*Poesia in dialetto*  
*"SGUNDEN"*

*La fera a Sasgond*

L'é 'na fera cm'al so tradisiòn,  
la riva sempar a la fen d'Agost,

tre giurnadi ad festa, fera antiga e rinumada  
ricurdand Sasgond, San Snez e l'Anunsiada.

Par Sasgond l'é un bel arciam  
da tött i paés ca soma svinant,

ien incontrar ad parent da generasiòn  
na volta a l'an cm'un pò ad confusiòn.

In dal vù laterali a gh'era al bancarèli  
cm'i bilén, turón, crucant e caramèli;

in dal piasi i sarlatàn e tant baracòn,  
a l'interen d'la Roca la mostra con l'esposisiòn;

agricultur, cumerciant, artigian in gara  
par cunquistar un diploma con l'amdaia.

Da tött al parti arivava d'la genta,  
in tram, avtomobil, bicicléti e diligensa;

in tram i pramzàn par 'na scampagnada  
i turnaven a cà, pién, a nota inultrada.

Tött i deposit i scupiaven ad bicicléti,  
al tratorii ieren pieni, ach pareva tanti cavaléti,

da la Vulpa, la Santé'na, la Maiöla dal Sul,  
da la Rösa, par fnir a l'Alberg Magiur.

Chi magnava al cülatèl cm'un nadar arost,  
chi la spala cota dopa un bon risot,

chi magnava i'anulén cm'al brod in tersa  
ieren i milanés in trasferta;

in tött al tavli lambrösch e furtana,  
prudot a d'la nostra campagna.

Anca al Maestar Verdi al decantava  
la spala cota dopa na so sunada;

se po' par la fera a fava bel temp,  
i Sgunden ieren alegar e tött cuntent.



*Remo Allegri*

*Fiera d'agosto 2008*